

酬唱赠答



熊东遨(湖南·宁乡)

客中喜晤小同乡季欣

五羊同作客，此晤快平生。
月落杯中小，雷行掌上轻。
纵多沧海意，不减故园情。
我亦思乡久，银壶贮好冰。

北雁常云寺雨霁观云联句同新河

行藏元自主，不必问居停。
抱月生成梦，连峰涨作屏。
水溶声共白，山得影添青。
一霎乘风起，长驱入杳冥。

秋经衡岳

酿出愁情绪，秋容淡转浓。
晚枫鱼上市，微雨雁回峰。
纵作千层叠，都无一笔重。
凭高望桑梓，远被白云封。

胡迎建(江西·南昌)

归故里益溪舍倒叠东遨兄鸡年元日

诗韵

故里新居引我还，近寻幽径远观山。
楼前百载祠堂旧，村外三湾碧水环。
唯恐事多书读少，欲闻鸡舞枕难安。
喜逢晴日迎春至，爆竹喧天竞破寒。

邹学锋先生《石牛清韵》问世致贺

识得憨牛率性真，苦吟妙悟出清新。
周游海宇留鸿爪，近觅苏仙与鹤邻。
笼纳风云归笔砚，涵濡元气养心身。
琳琅满卷开青眼，更把金针广度人。

彭泽县城观小姑山

多年频梦小姑山，此日骋观岁暮寒。
料为思深伶仃瘦，我怜落寞水云间。

赠归来山庄女主人

谁知巾幗厌繁华，山野安居瓦舍家。
锄月抚弦真有趣，一篱梅菊满坡茶。

刘能英(湖北·武汉)

答 侄

十平米换八平方,数日皆为此事忙。
不是小姑偏爱小,只因小处得阳光。

鹏城回京出租车上作

朝阳归路夜凉凉,槐叶飘飘梧叶光。
满地愁心风不扫,更教寒月补严霜。

答友人

帝都霜降夜如何,暖气未开寒气多。
纵使失眠也欢喜,一天延作两天过。

师红儒(山西·朔州)

丙申破五日作步时新老师韵

心伴春风作漫游,十年吟啸早知羞。
端居梦放千山外,静待花堆百尺头。
醒眼无为生旧忆,多情有憾望高楼。
晓来爆竹催人起,但送韶光不送愁。

杂感和友人

雪闭市郊风在山,塵声聊赖入庭闲。
哀怜弹指一年已,放任流霜两鬓攀。
有限光阴多掷弃,无情花月总相关。
慨然前路人难歇,再纵吾眸百折湾。

减字木兰花

春愁无拒,身向阑珊灯火去。风也萧疏,非暖非寒二月初。 举杯正好,散尽千金人未老。海碧天青,为鉴多情误一生。

李 勇(黑龙江·哈尔滨)

贺广东韶关市诗词楹联学会成立

并致子衡女史

岭南风景异,吟帜卷炎天。
韶石耸新秀,曲江蓬旧荃。
当持文载道,不负笔成椽。
且待灵渊水,汤汤汇大川!

丙申九月初四乘机飞往烟台

一举鲲鹏大翼舒,秋来何事作南图?
既憎尘网羁诗性,且御天风向海隅。
逼仄忽焉成广漠,飘飘真似到蓬壶。
忘愁今践庄周意,应信陶公愧不如。

周国明(江苏·张家港)


青年节寄语吾儿

春归陇上拥繁枝,雏燕欲飞今有期。
芳荪香生侵露色,石榴风吻献烟姿。
杯倾荷盖知心曲,书卷槐厅伟业诗。
高羽百年非草木,青云藉得顺天时。

教师节敬赠吾师

吾师吟笔似通神,偶上骚坛拾凤麟。
巧手铸成欧冶剑,呕心练就老陶轮。
自教桃李逢仙露,便有根茎脱俗尘。
侵鬓吴霜人世阅,尚从清水捧琼珍。

李 鹏(浙江·杭州)



架子工

身轻如燕上高空，多少寒风烈日中。
行走流云晨暮里，平凡岁月尽峥嵘。

秋步湘湖三期

十里青山作翠帘，钱塘胜境百桥连。
从今何必西湖去，近水楼台芳满园。

高怀柱(山东·莘县)

遇老同事

一

遇事何分有与无，逢春常醉一床书。
当年对月谈诗酒，今日相逢问起居。

二

明月同行杨柳岸，小城共醉杏花楼。
哪堪一别重逢日，君已龙钟我白头。

春日怀友人(录一)

夜雨春深陌上花，江南景物梦清佳。
何时月照西湖柳，共饮明前龙井茶。

日月潭

岸上时来淡淡风，峰前白鹭过蓝空。
烟云袅袅浮潭上，一棹悠然入画中。

张忠梅(上海)

题诗友《客厅蝴蝶兰》照

蝴蝶翩翩化紫兰，娇花翠叶两情牵。

红绸丝带系清梦，迎得春霞舞满天。

丁酉新春诗词朗诵会再逢庞效铎

吟丈有赠

平仄相牵暖意盈，华章满载故乡声。
沂蒙山草沂蒙调，黄浦滩头黄浦情。
历雪经风松未老，赋诗裁曲韵尤清。
谁言聚首桑榆晚，赏竹同听新凤鸣。

闵永军(江苏·金湖)

博里镇诗词协会成立十周年志贺

东风吹过百花开，笑看骚坛喜满怀。
博古融今舒画卷，低吟浅唱展奇才。
江山万里随潮去，诗韵千秋入眼来。
国粹传承鸣丽曲，登云步月上瑶台。

庞效铎(上海)

步张忠梅老师丁酉新春诗词朗诵会

再逢庞效铎吟丈有赠原玉回敬

会见同乡喜气盈，随缘鉴赏仄平声。
当年共饮山东水，今日重温上海情。
奋斗生涯风雨骤，休闲岁月世间清。
夕阳美景登高望，再约知音辨鸟鸣。

黄海燕(浙江·杭州)

贺新郎·谢水火画展欣赏

妙笔传心语，岁寒中、乡间拾翠，
画廊飘絮。古木逢春香雪透，又恰凤

凰振羽。赏玉蕊，虬枝披露。九万里风山河秀，觑人间、芳草参差舞。春色乱，醉瑶圃。卅年逐梦新声谱。访名师、程门立雪，砚池飞渡。欲揽江天云出岫，更喜田园歌赋。桑柘外、红楼别墅。物阜民丰农家乐，指顾间、栩栩犹天助。看五德，正鸿翥！

注：五德者，鸡之别称也。

李振平(吉林·农安)

岁杪诗友小聚有感

得福吟坛拜众贤，愧无椽笔谱华篇。
娇妍兰蕊生春色，缥缈浮名过眼烟。
喜在良辰同雅聚，应当举酒共婵娟。
襟怀坦荡朝前走，灿烂红霞映大千。

过兰考怀焦裕禄

身心尽瘁为苍生，报国丹心耀汗青。
民暖民寒常入梦，沙飞沙定总关情。
廉风吹绿泡桐树，兰考欣围锦绣屏。
遗爱永留长感庶，鲜花溅泪哭无声。

董尚祥(河南·沁阳)

答友人

有寄心常静，无求气则刚。
竹摇一身雨，花落满头香。
自觉市声远，偏思年岁长。
闲中参物理，俯仰问苍茫。

范义坤(广东·广州)

江苏吴门诗社社长董老一行莅穗

半年驹影去骎骎，重遇清辉又满襟。
到此金陵标格在，怜他古越马嘶沉。
银樽几度呈耆宿，粤调今宵淌绿琴。
便是珠江疏月朗，纫春犹待袂成阴。

清平乐·秋游南沙湿地兼寄友人

荷枯堤绿，白鹭池中浴。红树层层森碧玉。啼鸟清波弄曲。临流照影何人？依稀联袂看云。野阔天高折柳，吟襟犹著斜曛。

胡跃飞(湖北·监利)


水龙吟·缅怀“女飞”——

金孔雀余旭

空中数载翱翔，风霜未损娇模样。金盔生彩，红星增色，笑从脸漾。带队精飞，一声呼啸，云霄冲向。忆马来西亚^①，芭蕾巧秀，桂曾摘，英姿亮。载誉不须嘉奖，却连称，要争强项。排云驭气，加钢淬火，再光凤榜。舞者还当，高扬秀发，刀尖^②愿往。问如今，孔雀屏开何处？在蓝天上！

注：①马来西亚：指在该国兰卡威举行的世界空军飞行表演赛。②刀尖：飞行表演，被誉为“刀尖上的舞者。”

蓝旭志(广西·马山)



悼耀波同学

微信惊闻起悼歌，同窗陌路泪婆娑。
才情辜负三春梦，生命何如一夏蛾。
鹤去今宵音讯渺，弦绝尘世雨声多。
英年但愿升天阙，霜雪不教染鬓皤。

丁酉元日

紫陌苍苍晓日催，烟花放尽再添杯。
箏歌万户东风暖，更待新春一响雷。

周贤邦(四川·泸县)

老 母

昼出耘田弃雨蓑，兴锄种地汗来多。
勾腰崖山除藤蔓，拱背放水收稻禾。
紫气蒸蒸光暗淡，青云绕绕影婆娑。
红天日正人饥渴，老母登厨笑刷锅。

王同兴(黑龙江·鹤岗)

贺日新君《弦月》问世并用其韵

月窥人影瘦，敲键正和弦。
韵助簞食乐，梦融风雪寒。
青春留硕果，壮岁启新元。
今喜迎红旭，铺开万岭岚。

翟红本(河南·鲁山)

咏玉林一中

清湾江接日边霞，教圃春风促嫩芽。
不悔光阴流入梦，开成桃李满天花。

咏大数据创客公园

诗般想象起春潮，有凤齐鸣翥碧霄。
数据写天云计算，风流在手梦扶摇。
客来花色随心放，鹭点湖光与我聊。
自信豪情凭掌握，启林山上立高标。

注：大数据创客公园位于贵阳高新区金阳园。

陈秀坤(山西·太原)

谒金门·寄友生辰

云水客。洒脱十年衣白。一梦如初人未识。摘星楼百尺。又是几番月色。陌上眉间寻觅。醉且拈花风脉脉。云外声声笛。

陈 坤(云南·景洪)

风入松·次韵孔汝煌老师风入松—叠

丙申时近清明感旧韵

杏花寒食渐清明。时雨又时晴。
一湾翠竹沿溪径，点山苍、色映衣青。
宿草傍阶寂寂，黄莺交语声声。

桃花林是旧曾行，枝上满繁英。
今来又见红云簇，雨疏疏、雾野烟朦。
下下高高前路，坡坡坎坎平生。

江岸即目

苍山城外立如屏，倒影入江依旧青。
细草一枝临水颤，纤纤花影弄蜻蜓。